

277^ա

ՀԱՄԱՌՈՏ ՏԵՂԵԿԱԳԻՐ

ԵՒ

ՀԱՇԻՒ

ԿԱԹՈՒՂԻԿԷ Ս. ԱՍՏԻԱԾԱԾԻՆ (Ս. ԳԵՈՐԳ) ԵԿ. ԾԽ.

ՀՈԳԱԲԱՐՁՈՒԹԵԱՆ

Երկամեայ գործունեություն

I

II

ԵԿԵՂԵՑՈՒ

ԴՊՐՈՑԻ

1914 և 1915 թ.

19¹³/₁₄ 19¹⁴/₁₅ և 19¹⁵/₁₆ թ.

ԹԻՖԼԻՍ

ՏՊԱՐԱՆ „ՄԱՍՈՒԼ“ ԼՈՐԻՍ-ՍԵԼԻՔԵԱՆ ՓՈՂ., № 22.

1916

14275

2728^ա

ՀԱՄԱՌՈՏ ՏԵՂԵԿԱԳԻՐ

ԵՒ

ՀԱՇԻՒ

14275

ԿԱԹՈՒՂԻԿԷ Ս. ԱՍՏԻԱԾԱԾԻՆ (Ս. ԳԷՈՐԳ) ԵԿ. ԾԽ.

ՀՈԳԱԲԱՐՁՈՒԹԵԱՆ

Երկամեայ գործունեութեան

I

II

ԵԿԵՂԵՑՈՒ

ԴՊՐՈՑԻ

: 1914 և 1915 թ.

19¹³/₁₄ 19¹⁴/₁₅ և 19¹⁵/₁₆ թ.

և

ՆԱԽԱՀԱՇԻՒՆԵՐ



Թ Ի Փ Լ Ի Ս

Ելեջտը. տպ. «ՄԱՄՈՒԼ» ընկ., Լորիս-Մեղիքեան փ. № 22.
1916

ԿԱԹՈՒՂԻԿԷ Ս. ԱՍՏԻԱԾԱԾՆԻ ԵԿ. ԾԽ. ՀՈԳԱ- ԲԱՐՁՈՒԹԵԱՆ ԿԱԶՄԸ

Անցեալ 1914 թւի մայիսի վերջերքին կայացած ծխական ժողովները ընտութեան առնելով հոգաբարձութեանս մի ամեայ գործունէութիւնը՝ եկեղեցու և դպրոցի կառավարութեան վերաբերմամբ՝ հաստատեցին եկեղեցու 1913 թւի և դպրոցի 1913/14 ուսմ. թւի հաշիւները և որոշ բարեփոխումներով ընդունեցին հոգաբարձութեանս ներկայացրած նախահաշիւները՝ եկեղեցու 1914 թւի և դպրոցի 1914/15 ուսմ. թւերի վերաբերեալ:

Ծխական վերջին ժողովը զազանի քւէարկութեամբ լրացրեց հոգաբարձութեանս կազմը՝ ընտրելով իշխան Միք. Գէորգեան Թումանեանին և Միք. Եգորեան Կամսարականին: Յիշեալ երկու պարոնների ընտրութեամբ հոգաբարձութեանս կազմը ունեցաւ հինգ անդամ.— իշխան Սարգիս Միքայէլեան Արղութեան-երկայ-նաբազուկ, իշխան Միքայէլ Գէորգեան Թումանեան, Աբգար Գրիգորեան Աբուլեան, Միքայէլ Եգորեան Կամսարական և Աբգար Սարգսեան Յովհաննիսեան:

Հոգեւոր իշխանութեան կողմից նորընտիր հոգաբարձուները յունիսի 2-ին հաստատուելով իրենց պաշտօնի մէջ՝ հրաւիրեցին հոգաբարձական ժողովի: Այդ նիստին հոգաբարձութեան նախագահ ընտրեց իշխ. Ս. Արղութեան-երկայնաբազուկ, գանձապահ՝ Երեմիոս Աբգար Աբուլեան: Հոգաբարձութեան քարտուղարութիւնն ու գործադրութիւնը յանձնեց դպրոցիս աւագ-ուսուցիչ պ. Յակ. Ալաբաբին: Նորընտիր հոգաբարձուները ծանօթացան թէ ընթացիկ գործերի և թէ առհասարակ իրենց պարտականութիւններ հետ, որից յետոյ որոշեց ունենալ հերթապահութիւն, որով հերթապահի վրայ պարտք զուեց քացի պաշտօնատար անձանց հսկողութիւնից, հսկել եկեղեցին ու դպրոցը իրենց հերթապահութեան մի ամուս և հոգաբարձական ժողովի նիւթ զարձնել իրենց զիտողութիւնները:

I. Եկեղեցի 1914 թվին

Հոգաբարձութիւնս 1914 թւին ունեցել է 22 նիստ: Ամեն անգամ օրակարգի խնդիրները մէջ յատուկ տեղ են բռնել Կաթողիկէ ս. Աստուածածին եկեղեցուն վերաբերեալ զանազան խնդիրներ, օրինակ.

1. Անցեալ 1914 թւի մայիսին կայացած ծխական ժողովի ընդունած նախահաշուով հոգաբարձութիւնս շտապել է եկեղեցու խոնաւութեան դէմն առնել: Այդ առթիւ ունեցել է մի շարք խորհրդակցութիւններ և եկել է այն եզրակացութեան, որ աւելի լաւ է եկեղեցու խոնաւութեան դէմ ցամքեցուցիչ առուն շինի իր անմիջական հսկողութեամբ և աւելորդ դրամ չըտայ կապալաւորին: Եկեղեցու արևելեան և հարաւային պատերի երկարութեամբ, ճարտարապետ պ. Ն. Խարազեանի հսկողութեամբ և կազմած նախահաշուով փորել է առուն, որի վրայ փոխանակ ծախսելու ըստ նախահաշւի 615 ռ. 52 կոպէկ, ծախսել է 489 ռ. 64 կոպէկ: Այսպիսով տնտեսել է 125 ռ. 88 կոպէկ նախահաշւից պակաս:

Այդ առուն ունեցաւ բարերար ազդեցութիւն և խոնաւութիւնը պակասեց:

2. Նոյն ծխական ժողովի որոշման համաձայն՝ հոգաբարձութիւնս կրկին իր անմիջական հսկողութեամբ վերանորոգել է եկեղեցու արևմտեան կողմը գտնւած եկեղեցապատկան շէնքի (զբաղ-րոց) վերին յարկը, ուր նորոգել է ամբողջ պատշգամբի յատակը, ներկել է տեւ ամբողջ պատշգամբը և շէնքի չորս սենեակների յատակներն ու պատերը ու շինել է նոր ձևի վառարաններ: Այդ վերանորոգութեան համար ես հմուտ վարպետների մասնակցութեամբ նախապէս կազմել է տեւ նախահաշիւ և դարձեալ տնտեսական ձեռք շինել տալով՝ ծախսել է նախահաշւից պակաս գումար:

3. Լուրջ հսկողութեան խնդիր դարձնելով Կաթողիկէ ս. Աստուածածին եկեղեցու տօնը, որի ժամանակ եկեղեցին ունենում է զգալի արդիւնք, հոգաբարձութիւնս աշխատել է աւելի բան կանոնաւորել այդ օրերին մոմավաճառութեան և այլ եկամուտների գործը: Տօների հսկողութիւնը՝ յանձնել է հոգաբարձու պ. Ա. Յովհաննիսեանին և աւագ-ուսուցիչ պ. Յ. Աղաբաբին, որոնք և հետեւելով եկեղեցու տօներին կարողացել են աւելի շահաւէտ դարձնել եկեղեցու արդիւնքները: Այդ տօնական ամբողջ շաբթում՝ մոտ ծախսել է՝ 1,136 ռ., ուխտաւորներից ստացել է 147 ռ., փորձիներից 40 ռ.:

4. Հոգաբարձութիւնս ծխական ժողովի կողմից լիազօրութիւն ունենալով բանակցութեան մէջ մտնելու երբեմնի երեցփոխ հանգուցեալ Բայանդուրեանի ժառանգների հետ՝ եկեղեցապատկան գումարների յետ ստացման վերաբերեալ, իր մի շարք ժողովներում և թեմակալ առաջնորդի ու փաստաբանների հետ ունեցած մի շարք խորհրդակցութիւնների ընթացքում՝ կարողացել է յաջողեցնել վերջի վերջոյ հաշտութեամբ վերջացնելու երկար տարիներ տևող դատարանական գործը, և ստանալ Կաթողիկէ ս. Աստուածածին եկեղեցու սեփական դրամները որ անցել էին Բայանդուրեանի մօտ:

1914 թւի յուլիսին, Հոգաբարձութիւնս փոխադարձ զիջումով կնքում է վերջնական համաձայնութիւն Բայանդուրեանի այրու հետ և թեմակալ Առաջնորդի նախագահութեամբ կայացած ժողովում ստացելով տ. Բայանդուրեանից եկեղեցապատկան իսկական դրամագլուխը՝ դադարեցում է դատը: Հոգաբարձութիւնս իր պարտքն է համարում յատուկ շնորհակալութիւն յայտնել եկեղ. նախկին երեցփոխի պ. Յ. Ամիրխանեանին, որի նախաձեռնութեամբ սկսել էր այդ դատը և մինչև դատավարութեան վերջանալը՝ հետեւել է գործին: Շնորհակալութեան է արժանի նաև կոնսիստորիայի իւրիսկոնսուլտ պ. Յ. Սպլնդիտեանը, որը պ. Ամիրխանեանի հետ պաշտպանել է դատարանի առաջ եկեղեցու շահերը:

5. Ծխական ժողովում յարուցւած խնդրի համաձայն՝ հոգաբարձութիւնս պարտականութիւն ստանձնելով ստուգելու նախկին երեցփոխաններից մէկի՝ պ. Յով. Առիւծեանի պաշտօնավարութեան վերաբերող գործունէութիւնը, վիճակային կոնսիստորիայից ստացաւ յիշեալ Առիւծեանի հաշիւմատեաններն իրենց բոլոր փաստաթղթերով, մի շարք ժողովներում ստուգութեան ենթարկելով այդ ամենը, վերջը, 1915 թւի փետրւարի 25-ին, հոգաբարձութեանս ժողովում, որին ներկայ էր նաև պ. Յով. Առիւծեանը, համաձայնութիւն կնքեց և պ. Առիւծեանը յանձնառու եղաւ իր բացակայութեան ընթացքում, հոգաբարձութեան անգամ պ. Գ. Լեւեանի ժամանակաւոր պաշտօնակատարութեան ժամանակ, եկեղեցու դրամաւիկից պակասող գումարը վճարել իր միջոցներից՝ որպէսզի իրենից այլիս պահանջ չը լինի: Կաթողիկէ ս. Աստուածածին եկեղեցուն հասանելիք 370 ուրլու դիմաց վճարեց հաշիւներից փաստօրէն պակասող 300 ռուբլին, որի մասին և կաղմեց արձանագրութիւն: Այս մասին Հոգաբարձութիւնս իր որոշումը յայտնեց վիճակային կոնսիստորիային և դիտութիւն և նրա հաստատութիւնն առնելով՝ հոգաբարձութեան անդամների ստորագրութեամբ մի ստացական տուեց պ. Առիւծեանին և մայիսի 12-ին ստացաւ նրանից եկեղեցապատկան 300 ռուբլին:

6. Հոգաբարձութիւնս ամեն ջանք գործ է դրել եկեղեցու գրասենիքը նպատակայարմար ծախսելու. այդ հանգամանքն ի նկատի առած՝ աշխատել է կողմնակի եկամուտներով աւելացնել եկեղեցու գրամը և որպէսզի դպրոցին տալիք նիւթականը ամբողջապէս չը ծանրանայ եկեղեցու վրայ, 1914/15 ուսմ. թւին կազմակերպել է ներկայացումներ և զբօսանք: Այսպէս օրինակ՝ 1914 թւին «Սայիաթ-Նովայի» անւամբ Հայ Դպրոցների ընկերութեան անդամների աջակցութեամբ կազմել է գրական-երաժշտական երեկոյթ, որից զուտ արդիւնք ստացել է 182 ռ. 20 կ.: Դիմել է Թիֆլիսի ժողովարանին և ստացել է նպաստ 30 ռուբլի, դիմել է քաղաքային Վարկի ընկերութեանը և ստացել է 100 ռուբլի նպաստ: 1915 թւին ս. Սարգսի եկ. ծխ. դպրոցի հոգաբարձութեան հետ կազմակերպել է մի ներկայացում և մի զբօսանք: Դրանցից ստացել է առաջացած զուտ արդիւնքի կէսը՝ ներկայացումից 150 ռուբլի, զբօսանքից 210 ռուբլի 90 .: Դիմել է կրկին Թիֆլիսի Վարկային ընկերութեանը և ստացել է 100 ռ. նպաստ, ընդամենը 1914 թւի յունիսից մինչև 1915 թւի մայիս ամիսը կողմնակի եկամուտ ունեցել է՝ 774 ռ. 10 կոպէկ: Որով թեթեւացրել է եկեղեցուց ստանալիք դպրոցական ծախքը:

7. Եկեղեցի յաճախող ժամաւորներին և ուխտաւորներին հոգեկան բաւականութիւն պատճառելու և եկեղեցու ժամերգութիւնը դրաւիչ դարձնելու նպատակով՝ հոգաբարձութիւնս պահել է իր և ս. Սարգսի դպրոցի աշակերտութիւնից կազմւած երգեցիկ խումբ և յատուկ խմբապետ, որպէսզի թէ տօներին և թէ կիրակի օրերին երգեն ս. պատարագների ժամանակ: Սակայն հոգաբարձութեանս ցանկութիւնը մինչև օրս էլ մնացել է ցանկութիւն. երգեցիկ խումբը յաճախ չի երգել պատարագներին ժամերգութեան սկսելու անորոշութեան պատճառով:

8. Եկեղեցու եկամուտների այն մասը, որ կազմւում է եկեղեցապատկան բնակարանների վարձագներից՝ հոգաբարձութեանս կողմից նոյնպէս եղել է լուրջ հսկողութեան տակ: Պ. Երեցիոյանի տւած տեղեկութիւնների համաձայն՝ հոգաբարձութիւնս հարկաւոր դէպքում միջամտել է, որպէսզի այդ բնակարաններում ապրող կեցւորները ժամանակին վճարեն իրենց վարձագիրը: Պէտք է նկատել, որ եկեղ. եկամուտների՝ այդ մասը՝ կենսական սուղ պայմանների պատճառով ցանձոււմ է շատ դանդաղ, որի դիմաց հոգաբարձութիւնս յաճախ ստիպւած է լինում ի նկատի առնել կեցւորների յարմարութիւնը: Սրա հետ մեծաւոր, պէտք է ասել, որ թէ անցնող տարւում և թէ այս տարւան ընթացքում չէ եղել ոչ մի դէպք, որ բնակարանի վարձագիրն լինի կորած:

9. Միական ժողովի կողմից հոգաբարձութիւնս հրահանգութիւն ունենալով մտածելու կաթուղիկէ ս. Աստուածածին եկեղեցու ներքին վերանորոգութիւնների մասին, գործել է այդ նպատակով ևս, օրինակ—խորհրդակցել է զանազան ձեռնհաս անձերի և ճարտարապետների հետ, ծանօթացրել է հոգաբարձութեանս ծրագրած վերաշինելի կէտերի հետ, սակայն բոլորի կողմից էլ ստացել է մի պատասխան, որ առ այժմ եկեղեցու վերաշինութեամբ չը պէտք է զբաղւել, որովհետև չափազանց թանկ են թէ գործադրելի նիւթերը և թէ աշխատող ձեռքերը: Հոգաբարձութիւնս չը բաւականանալով այդ օրինակ գործելուց՝ դիմել է սրբազան Առաջնորդին՝ նրա կարծիքն ևս իմանալու: Սրբազան Առաջնորդը՝ մայիսի 14-ին այցելեց մեր եկեղեցին, տեղնուտեղը ծանօթացաւ վերաշինութեան ծրագրի հետ, խոստացաւ զուամբիլ ճարտարապետների և նկարիչների մի յատուկ խորհրդակցութիւն վերաշինութեան խնդրի համար:

10. Հոգաբարձութիւնս՝ դպրոցական գործի ղեկավարութեան համար ևս ունեցել է ս. Սարգսի ծխ. հոգաբարձութեան հետ 1914—1915 ուսմ. տարւայ ընթացքում 13 նիստ, ուր բացառապէս խորհրդակցութեան նիւթ են դարձել ուսման գործի մասին եղած թէ ընթացիկ խնդիրներ և թէ աւագ-ուսուցչի գեղւցումները և թէ առհասարակ ամբողջ դպրոցական գործը:

II. Դպրոցը 1914/15 ուսմ. րիւն

1914 թւի մայիսեան ծխական ժողովները ըննութեան առնելով մեր և ս. Սարգսի ծխ. դպրոցի մէջ թեմական Իշխանութեան նախաձեռնութեամբ ուսումնական ներքին կապ ստեղծելու գործը՝ գտան նպատակալից մինչև նորմալ տիպի սեփական դպրոց պահելը և հաւանութիւն տալով հոգաբարձութեանս այդ օրինակ միամեայ գործունէութեանը՝ դպրոցի ուսուցչութեան անտեսական նեղ կացութիւնը նկատի առնան ուսուցչութեան կատարած դերը՝ և դատագիրը բարձրացրին 35 ուրբլու:

Ա. Սկզբնաւորութիւնը.

Կաթուղիկէ ս. Աստուածածին, (ս. Գէորգ) և ս. Սարգիս եկ. ծխ. դպրոցների հոգաբարձութիւնների խառն ժողովը՝ 1914 թւի մայիսի 26-ի պաշտօնական նիստում ի նկատի առնելով իրենց ծխական համայնքների համակրութիւնը դպրոցական ներքին կապ ստեղծելու վերաբերմամբ՝ որոշեց 1914—1915 ուսումնական տարւում ունենալ երկու դպրոցներում երեքական բաժանմունք հե-

տեւեալ կարգով.—ս. Գէորգի դպրոցում Ա. Բ. և Գ. բաժանմունքներ, իսկ ս. Սարգսի դպրոցում՝ Ա. Բ. և Գ. բաժանմունքներ այն հիման վրայ, որ իւրաքանչիւր դպրոցի ծախք կը հոգայ իր հոգաբարձութիւնը, միայն ս. Սարգսի դպրոցում ունենալիք չորրորդ բաժանման ծախքի կէսը՝ 450—500 ուրբի, կը հոգայ ս. Գէորգի դպրոցի հոգաբարձութիւնն առ այն, որ՝ 1) այդ բաժանմունքում գլխաւորապէս աշակերտելու են 1913/1914 ուսմ. տարւում ս. Գէորգի դպրոցի երրորդ բաժանմունքից փոխադրողները, և II՝ երկու դպրոցները դաճելով իրար կից թաղամասերում մինչև զատ-զատ նորմալ տիպի չորսամեայ դպրոց ունենալը՝ կարելի կը լինի հիմք դնել գէթ մի այդձեւի չորսամեայ-միջասեան լրիւ դպրոցի:

1914 թւի մայիսի 26-ի նիստին որոշելով երկու դպրոցների դասարանների թիւը՝ հոգաբարձութիւնը յունիսի 2-ին, կրկին խառը ժողովում զբաղւում է երկու դպրոցների դասաբաշխման խնդիրներով: Ժողովն ի նկատի ունենալով աւագ-ուսուցչի ներկայացրած զեկուցագիրը, հաստատում է դասաբաշխում կատարող մասնագիտովի ներկայացրած ցուցակը ու թեմական իշխանութեան ընդհանուր շրջաբերականի համաձայն՝ մինչև յունիսի 5-ը իւրաքանչիւր դասառուի յայտնի է լինում իր պաշտօնավարութեան մասին 1914—1915 ուսումնական տարւոյ ընթացքում:

Օգոստոսի 25-ին, երկու հոգաբարձութիւններն ունենում են նոր ուսումնական տարւոյ առաջին խառն նիստը: Աւագ ուսուցիչը զեկուցում է, որ երկու դպրոցների ուսուցիչներից երեք հոգի՝ պ.պ. Յակ. Մանտսի-Մկրտչեան, Ռուբէն Մամաջանեան և Մ. Միրզայեան, իբրև պահեստի գինւորներ գէնքի են կանչել: Որոշեց գինւորական ծառայութեան հրաւիրւած երեք ուսուցչի տեղը պահել մինչև նրանց վերադարձը:

Երեք ուսուցչի գէնքի կանչելու հանգամանքը պատճառ է դառնում դասերի նոր դասաբաշխման: Սեպտեմբերի 2-ին հոգաբարձութիւնների խառն ժողովում քննութեան է առնւում նոր դասաբաշխումը և փոքրիկ փոփոխութիւններով հաստատւում է:

Այս դասաբաշխման մասին էլ օր առաջ յայտնւում է պաշտօնի հրաւիրւող ուսուցիչ-ուսուցչուհիներին՝ տեղեկացնելով նըրանց, որ իրենց յաւելեալ դասերը կը ֆեան իրանց ձեռքին մինչև այն ժամանակ՝ երբ գէնքի կանչւած ուսուցիչները կը վերադառնան դպրոց իրանց պաշտօնին: Այդ նոր դասաբաշխման համաձայն կազմւում է դասացուցակ և սեպտեմբերի 8-ից սկսւում է ուսումը երկու դպրոցներում, նախորդ օրը աշակերտների ծնողների

բազմութեան ներկայութեամբ կատարելով դպրոցական մադ-թանք, իսկ սեպտեմբերի 16-ից ուսման գործը մտնում է իր կանոնաւորընթացքի մէջ:

Բ. դասարանների կազմը

Ամառային արձակուրդներից յետոյ, դեռ օգոստոսի 20-ից երկու դպրոցներում յայտարարւած էր նորեկների ընդունելութիւնը, որ տեւում է մինչև սեպտեմբերի 3-ը: Սեպտեմբերի երեքին և չորսին տեղի է ունենում նորեկների քննութիւնը: Թէ այս քննութիւնների, թէ օգոստոսի 29--30-ին տեղի ունեցած վերաքննութիւններից և մայիսեան փոխադրութիւններից պարզւում է դասարանների աշակերտութեան կազմի ու քանակը:

Սեպտեմբերի 5-ին, Մանկավարժական խորհրդի համար պարզւում է, որ ս. Գէորգի դպրոցի I բաժ. ունի 42 աշ. (որից 16 աղջիկ, 26 տղայ), II բաժ. ունի 52 աշ. (որից 18 աղջիկ, 34 տղայ), III բաժ. ունի 36 աշ. (11 աղջիկ, 25 տղայ): Այս հաշւով տարւայ սկզբին ընդամենը՝ 120 հոգի:

Սեպտեմբերի 10-ին Մանկավարժական խորհրդի կազմից այդ դասարանների համար ընտրւում են դաստիարակ-դաստիարակչուհիներ: Աւագ-ուսուցիչը դաստիարակների աջակցութեամբ կազմում է երկու դպրոցների աշակերտութեան ընտանեկան գրութեան վերաբերեալ մանրամասն տեղեկագիր: Այդ տեղեկագիրներից պարզւում է, որ ամեն մի դասարանի աշակերտութեան երկու երրորդ մասը չքաւոր է բառի բուն նշանակութեամբ, մէկ երրորդ մասը հաղիւ տանելի վիճակ ունին և կան երեխաներ, որոնց հայրերը և կամ եղբայրը գէնքի են կանչել և ընտանիքը ֆապցի է անօգնական: Այդպիսիների թիւը ս. Գէորգի դպրոցում հասնում էր 27-ի:

Վերոյիշեալ բոլոր տեւաների վրայ հիմնւած մանկավարժ. Խորհուրդը պատրաստեց ձրիավարժների ցանկ, որը առաջին կիսամեաւում հաստատեց հոգաբարձութեան կողմից, և ըստ որի ս. Գէորգի դպրոցում սովորում էին 38 ձրիավարժ: Երբ տարւայ ամբողջ ընթացքում այդ դպրոցի աշակերտութեան թիւը հասաւ 136 հոգու, ձրիավարժների թիւն էլ հասաւ 46 հոգու:

Տարւան տնտեսական աննպաստ պայմանների պատճառով աշակերտութեան ծնողներից շատերը չը կարողացան լրիւ վճարել նոյնիսկ տարւայ սկզբում խոստացած ուսման վարձը: Ուսման վարձի դանդաղ և անկանոն գանձելու մասին աւագ ուսուցիչը զեկուցել է հոգաբարձութեանը և ամեն անգամ էլ հոգաբարձութիւնս ծանօթանալով խնդրի հետ, ընդ առաջ է գնացել ծնողների կարիքներին և զիջել է կամ ազատել ուսման վարձից:

Բաւական հետաքրքիր պատկեր է ներկայացնում աշակերտութեան ծնողների թէ անտեսական կացութիւնը և թէ նրանց զբաղմունքներն ու ունեցած կրթութիւնը որ հետեւեալն է.—

Տարւայ ընթացքում ցուցակադրւած 136 աշակերտ - աշակերտուհիներից 3 հոգի որը են, 17 հոգի ունեն միմիայն մայր, 4 հոգի ունեն միմիայն հայր, 112 հոգի հայր և մայր: Ծնողներից 4 հոգի երկրպագործ են, 48 հոգի արհեստաւոր, 20 հոգի վաճառական, 25 հոգի ծառայողներ, 2 հոգի հոգևորականներ, 17 հոգի անհաստատ պարապմունքի տէր: Կրթութիւն ունեն 2-ը միջնակարգի չափ, 45 հոգի տարրական դպրոցների երես տեսած, 69 հոգի անգրագէտ: Ծնողներից երկու երրորդը ապրում են ս. Գէորգի, Մէյդանի, Հրեշտակապետաց և Բեդիսեհեմի թաղերում, մի երրորդը՝ զանազան թաղերից՝ Պեսիկ փողոցում, Հաւարարում, Զուղուրէթում և մի քանիսն էլ՝ Նախալովկայում:

Աշակերտութեան ծնողների վերոյիշեալ չքաւորութեան պատկերը այդքան պարզ երեւոյց չետոյ, Մանկավարժական խորհուրդը չէր կարող անտարբեր մնալ: Հէնց այդ պատճառով տարւայ սկզբից հոգաբարձութեան և ուսուցչութեան խառն ժողովի նիւթ դարձրեց երեխաներից շատ չքաւորներին նախաճաշիկ տալը, որը թէև ընդունեց միաձայն, սակայն գործադրութիւնը մնաց նիւթական միջոցներ հայթայթելուն: Զափազանց չքաւոր աշակերտներից 13 հոգի տեղաւորւեցին Բարեկործական ընկերութեան և քաղաքային ձրի ճաշարաններում, 12 հոգի ստացան ուսման պիտոյքներ ձրիապէս մինչև տարւայ վերջը, իսկ ղեկավարների վերջին՝ աշակերտ-աշակերտուհիներից 38 հոգի՝ նոր հաշուստ:

Գ. ուսման գործը

Ուսման գործը ղեկավարելու համար Մանկավարժական խորհուրդը, որ բաղկացած է եղել 13 անդամից, ունեցել է 20 նիստ: Այդ նիստերը նւիրւած են եղել ուսման գործին յաջող ընթացք տալուն: Բացի այն, որ իւրաքանչիւր ուսուցչի ուսուցչուհի բարեխղճութեամբ առաջ է տարել իր ստանձնած առարկաները, այլև մասնակցել է դպրոցի ներքին կեանքի հետ առնչութիւն ունեցող զբաղմունքներին: Ուսման գործի յաջողութեանը մեծապէս նպաստել են 1) պարտադիր ընթերցանութեան դասերը, 3) բացթիւն զբաղմունքները, 3) կրթական նպատակով կազմւած փոքրիկ էքսկուրսիաները: Լեզուներից ու թուաբանութիւնից շա-

բաթական առնւազն 2 անգամ եղել է դասարանական գրաւոր:

Մանկավարժական խորհուրդը իր նիստերին զբաղւել է առաւելապէս և՛ դպրոցական կարգ ու կանոնին վերաբերեալ խնդիրների մշակութեամբ: Ուսման գործի ղեկավարն է եղել Մանկավարժական Խորհուրդը, նրա ներկայացուցիչն է եղել աւագ-ուսուցիչը, որը հսկել է երկու դպրոցներին օրական դասաւանդելով 2—3 դաս, ազատ մնացած ժամերին լսել է իր խմբի անդամների դասերը. հսկել է որ ի կատար ածեն Մանկ. Խորհրդի որոշումները:

Ս. Գէորգի դպրոցում նա լսել է՝ 15 դաս առաջին երկամսեակում, 16 դաս երկրորդ երկամսեակում, 18 դաս երրորդ երկամսեակում և 11 դաս չորրորդ երկամսեակում, ընդամենը՝ 60 դաս: Այս դասերի մասին եղած դիտողութիւնները՝ կանխապէս յայտնելով դասատուին՝ արձանագրւած են օրագրամատեաններում:

Այստեղ աւելորդ չենք համարում առաջ բերել թեմական տեսուչ պ. Ս. Տէր-Աւետիքեանի ընդհանուր դիտողութիւնները ուսման գործի և կարգապահութեան վերաբերեալ, որ նա արել է իր այցելութեան միջոցին չորս օր դասեր լսելուց յետոյ. —

«Լսածս բոլոր դասատուների քանաւոր դասերն ու տեսածս բոլոր գրաւոր աշխատանքները ցոյց տւին, որ երկու դպրոցներում պաշտօնավարող ուսուցիչ-ուսուցչուհիները կանգնած են իրենց կոչման բարձրութեան վրայ. նրանք բոլորը իրենց աշակուրջ հսկողութեամբ և ջանքերով դպրոցի ուսման գործը ղեկավարում են դէպի գեղեցիկն ու ցանկալին: Ցատուկ, աչքի ընկնող թերութիւն չը կայ՝ ոչ մի դասատուի մէջ. ընդհակառակը, սկսնակ վարժուհիները մի կամ երկու տարի առաջ եկել են այս դպրոցները և աւագ-ուսուցչի ու իրեն ընկերակից ուսուցիչ-ուսուցչուհիների խորհուրդներով այսօր ներկայանում են լաւ դաստիարակներ: Առանձնապէս գնահատելի են ուսուցչական խմբի սերտ համերաշխութիւնը, նրա սրտացաւ վերաբերմունքը դէպի իր դաստիարակչական խնամքին յանձնած մանուկները ու աւագ ուսուցչի ընկերական վերաբերմունքը դէպի իր աշխատակից ուսուցչուհիներն ու ուսուցիչները:

«Գալով կարգապահութեան, որի մասին ասացի, որ արտադպրոցական անմխիթար պայմանները որոշ չափով ազդեցութիւն են ունեցել մի երկու դասարանի աշակերտութեան վրայ, բայց դրանք անցողական են: Այդ դասարանների աշակերտները, իբրեւ առաջին տարին յաճախող աշակերտներ՝ կը շարունակեն կարգապա-

հուլիսն ընդհանուր առմամբ լաւ է: Ընդհանուր տպաւորութիւնը միտիթարական է:»

Ուսման գործի յաջողութեան նկատմամբ Մանկ. Խորհուրդը չէ մոռացել ստեղծելու դպրոցի և աշակերտութեան ծնողների մէջ սերտ յարաբերութիւն: Խրաքաչիւր երկամսեակի վերջը կազմակերպել է ծնողական դաստիարակչական զրոյցներ, որոնց առանձին գոհունակութեամբ ներկայ են եղել երկու դպրոցի աշակերտութեան ծնողները: Խօսել են պ. պ: Յ. Աղաբաբ՝ երկու անգամ Ա. Խնկոյեան և Բ. Բերինեան մէկ-մէկ անգամ:

Դ. Աւակերտութեան առաջադիմութիւնը

Դպրոցներէս ուսման գործն վերոյիշեալ ձևով ամբողջ տարին առաջ է տարել սովորական ընթացքով: Որքան և 1914-15 ուսումնական տարին ունեցել է աննորմալ անցուդարձ, բայց այդ բանը զգալիօրէն չէ խանգարել դպրոցիս աշակերտութեան առաջադիմութեանը:

Մանկավարժական Խորհուրդը, իւրաքանչիւր երկամսեակից յետոյ՝ թէ բանաւոր և թէ գրաւոր տեղեկութիւններ է տւել թոյլ աշակերտների ծնողներին՝ հոգալու իրենց զաւակների պակասութիւնները, դասատու ուսուցիչ-ուսուցչուհիներն Մանկ. Խորհրդի որոշմամբ՝ պարտաւորւել են յատուկ ուշադրութեան տակ առնել թոյլերին, որպէս զի նրանք հետզհետէ ուղղւեն:

Այդ օրինակ հետևողութիւնն ունեցել է իր բարերար ազդեցութիւնը: Տարւայ վերջը, I. բաժ. եղած 36 հոգուց փոխադրւել են II. բաժանմունք 25 հոգի, մնացել են 11 հոգի. II. բաժ. եղած 46 հոգուց փոխադրւել են III. բաժանմունք 30 հոգի, մնացել են 16 հոգի. III. բաժ. եղած 34 հոգուց փոխադրւել են IV. բաժանմունք 25 հոգի, մնացել են 9 հոգի. IV. բաժ. եղած 31 հոգուց ստացել են աւարտման վկայական 26 հոգի, մնացել են 5 հոգի. (փոխադրւողների թւի մէջ հաշւած են II.-ից 7 հոգի, վերաքննութեամբ փոխադրւած, III.-ից 5 հոգի և IV.-ից 5 հոգի):

Աւարտող աշակերտ-աշակերտուհիներից շատերը օգոստոսին քննութիւն տալով՝ ընդունւել են Ներսիսեան, Յովնանեան և կար ու ձեռի դպրոցները:

Այս ուսումնական թւին դասատու ուսուցիչ-ուսուցչուհիները պարտաւոր են բարեխղճութեամբ: Նրանք առաւել կամ նւազ չա-

փով, բացի իրենց անմիջական պարտականութիւնից, դպրոցի օգտին ցոյց են տւել իրենց աջակցութիւնը:

Սոյն զեկուցումն իր մանրամասնութեամբ կարդացել է հոգաբարձական մարմինների խառն ժողովում և հաստատւել է յատուկ արձանագրութեամբ:

Աւագ-ուսուցիչ՝ Յակ. Աղաբաբ

ՏԵՂԵԿԱԳԻՐ 1915 ԹԻՒ ՎԵՐԱԲԵՐԵԱԼ

Հոգաբարձութիւնս 1915 թւի ընթացքում ևս իր ոյժերը ներածին չափ աշխատել է կաթուղիկէ ս. Աստուածածին եկեղեցու բարեգարդութեան և նրա ծխական դպրոցի առաջադիմութեան համար:

Մինչև հոկտեմբեր հոգաբարձութեան բոլոր նիստերը գումարել են լրիւ կազմով. այնուհետև՝ իշխան Սարգիս Արղութեան — Երկայնաբազուկը հրաւիրելով զինւորական ծառայութեան՝ հոգաբարձութեան նախագահութիւնը կատարել են հերթով միւս անդամները:

Իշխան Ս. Արղութեան-Երկայնաբազուկի բացակայութիւնը Հոգաբարձութեանս կազմից՝ ընդունեց յարգելի, մանաւանդ որ իշխանը սիրելով իր ծխ. եկեղեցին ու դպրոցը երբեմն Թիֆլիս գալով միշտ այցելում ու հետաքրքրում էր հոգաբարձութեանս գործերով: Եւ այդպէս իշխան Սարգիս Արղութեան-Երկայնաբազուկը պաշտօնապէս մնալով Հոգաբարձութեանս կազմի մէջ՝ համարել է անգամ մինչև օրս:

1915 թւի ընթացքում Հոգաբարձութիւնս ունեցել է 22 նիստ եկեղեցուն և դպրոցին վերաբերեալ խնդիրների համար. իսկ 1915/16 ուսումնական տարում ս. Սարգիս հոգաբարձութեան հետ ունեցել է 17 նիստ՝ երկու դպրոցների ընդհանուր գործերի վերաբերեալ, 1916 թւի յունւարից մինչև օրս էլ՝ ունեցել է 8 նիստ:

1916 թւի յունւարի երկրորդ կիսից Հոգաբարձութեանս անգամ իշխան Միքայէլ Թումանեանը զբաւոր յայտնում է Հոգաբարձութեանս, որ ինքը զբաղւած լինելով իր ծառայութեան գործերով՝ չի կարող յաճախել հոգաբարձական ժողովներին կանոնաւոր կերպով և իբրև հոգաբարձու կատարել իր վրայ գրւած պարտականութիւնները, ուստի՝ հակառակ իր ցանկութեան ստիպւած է հրաժարել Հոգաբարձութիւնից:

Նոյն թւի փետրւարի վերջը Հոգաբարձու պ. Միքայէլ Կամսարահեանն ևս զիմում է Հոգաբարձութեանս, որ պաշտօնով տեղափոխելով Թիֆլիսից — Երևան, հրաժարւում է հոգաբարձական պաշտօնից:

Միմեանց յետևից տեղի ունեցած Հոգաբարձութեանս երկու անգամների անախակալ հրաժարականները՝ թէև զգալի եղան մնացած երկու անգամների համար, սակայն պատճառ չգործան ընթացիկ գործերի խանգարման: Ծխական նոր կանոնադրութեան համաձայն՝ եկեղեցական խնդիրների ժամանակ հոգաբարձական ժողովներին մասնակցութեան հրաւիրեց, ձայնի իրաւունքով, մեր եկեղեցու աւագ երեցը: Այսպէս ահա՝ 1916 թւի սկզբներից սկսած կառավարել են եկեղեցու գործերը: Այժմ, հոգաբարձութիւնս, հոգաբարձական նոր կազմ ընտրելու խնդիրն է դնում ներկայ ծխական ժողովի առաջ:

1. Եկեղեցին 1915 թին

Հոգաբարձութիւնս 1915 թւի ընթացքում ևս իր ոյժերը ներածին չափ լուրջ հսկողութեամբ է վերաբերել թէ կաթուղիկէ Ս. Աստուածածին եկեղեցու մասը ու երբին, թէ եկեղեցապատկան բնակարաններից ստացւող վարձադրներին և թէ, որ գլխաւորն է՝ Բայեանդուրեանից յետ ուտացւած գումարի շահեցման ու եկեղեցու ներսի և դրսի վերանորոգութեան խնդիրներին:

1.— Պէտք է առած, որ եկեղեցու եկամուտը շնորհիւ մասնաւորապէս երէցփոխանի Էրնդհանրապէս հոգաբարձութեանս վերահսկողութեան՝ 1915 թւին աւելացել է նախորդ 1914 թւի եկամուտից: Այդ աւելացումը նկատելի է նոյն իսկ ամսէ ամիս:

Հոգաբարձութեանս պաշտօնավարութեան առաջին՝ 1913 թւին եկեղեցու ընդհանուր եկամուտը եղել է՝ 7852 ռ. 77 կ., երկրորդ տարում՝ 1914 թւին եղել է՝ 8657 ռ. 09 կ., երրորդ տարում՝ 1915 թւին՝ 11,407 ռ. 50 կ.:

2.— Առանձին ուշադրութեան արժանի է եկեղեցու 1915 թւի տօնական շաբաթւայ եկամուտը: Այդ տօնին են Հոգաբարձութիւնս, նախորդ տարիների օրինակով յատուկ մասնաժողովի վերահսկողութեան տակ է պահել թէ եկեղեցու մասնավաճառութիւնը և թէ եկամտային միւս աղբիւրները: Հետևանքը եղել է այն, որ եկեղեցին իր տօնի շաբթում աւել է մասնավաճառութիւնից՝ ամբողջ մոմից՝ 5648 ռ. 49 կ., Նիսայրիայ մոմից՝ 720 ռ. 63 կ., մորթիներից՝ 124 ռ. 70 կ., դանձանակ՝ 92 ռ. 32 կ., ուխտաւորներից (տարլա) 139 ուրլի:

3.— Հոգաբարձութիւնս ժամանակի հանդամանքների համաձայն՝ ուշադրութեան տակ է առել նաև եկեղեցապատկան բնակարանները: Հնարաւորութեան սահմաններում կատարել է թէ անհրաժեշտ վերանորոգութիւններ տանիքների և սենեակների

ներքին յարմարութիւնների և թէ հիմնովին կառուցել է նոր մատակարարուն և նրան կից շէնքը: Վերջին նոր շինութիւնները կատարել են առանց նախահաշիւի, որովհետեւ սանիտարական տեսակէտից նրանք վտանգւած էին ու կարևոր, որի դիմաց հողաբարձութիւնս լաւ համարեց՝ զանազան սուղաքննութից խուսափելու համար՝ միանգամ ընդմիջող վերջ տալ կարկատաններին ու կառուցել հիմնովին նորը: Պէտք է նկատել, որ 1915 թւի ընթացքում Հողաբարձութիւնս անտեղի է գտել բնակարանների վարձադները նորից սւելացնելու, մանաւանդ որ այդ օրինակ աւելացումները կապւած են խոշոր վերանորոգութիւնների հետ, որոնց կատարելը՝ սաստիկ թանգութեան պատճառով՝ անժամանակ են համարել:

4.— Հողաբարձութիւնս տիկին Շուշանիկ Բայանդուրեանից յետ ստացւած գումարների մասին՝ պատիւ ունի յայտնելու ծխական յարգելի ժողովին հետեւեալ մանրամասները:

ա) Վրաստանի և Իմերեթի հայոց կոնսիստորիայից Հողաբարձութիւնս ստացել է № 780 գրութիւնը, որ է՝— «կոնսիստորիայիս № 52/1902 թւի գործերից, որ կազմւած է եկեղեցոյդ նախկին երեսփոխան Գրիգոր Բայանդուրեանից (այժմ հանգուցեալ) եկեղեցու դրամները պահանջելու մասին, երևում է, որ հանգուցելոյ կին Շուշանիկ նոյն և Սուսանա Բայանդուրեանցի հետ համաձայնութեան զալուց յետոյ՝ պահանջի գործը հաշտութեամբ վերջացնելու վերաբերմամբ, թեմիս գերապատիւ Սըրբազան Առաջնորդը իր 1914 թւի օգոստոսի № 1185 առաջադրութեամբ գրում է այսպէս. «Ուղարկում եմ սորա հետ տիկին Բայանդուրեանի կողմից նրա հանգուցեալ ամուսնու կաթողիկէ ս. Աստուածածին եկեղեցուն պարտքի կատարեալ հատուցման ներկայացրած՝ 1) չորսհազար ուրբի կանխիկ դրամ. 2) Տըփիս քաղաքի Վարկի Ընկերութեան 4 հատ միհազար ուրբիանոց № 21147, № 21148, № 21149 և № 21150—ընդամենը՝ 4000 ուրբու օրիգացիաներ» 1915 թ. յունւարի 1-ից մինչև 1923 թ. յուլիսի 1-ի 18ական կտրոններով. 3) Նախիբա հանքագործական ընկերութեան № 2150, 2151, 2152, 2153, 2154 և 2482 ընդամենը՝ 3000 ուրբու ակցիաներ առանց կտրոնների և 4) մի հատ ստացական՝ տիկին Բայանդուրեանի կողմից՝ մնացած պարտքը լրացնելու համար: Յիշեալ 4000 ուրբու կանխիկ դրամից վճարւած է կոնսիստորիային 1914 թ. դեկտեմբերի 17-ի օրագրով իբրեւ վարձատրութիւն Ամիրխանեան և Սպինդարեանց փառատարան-

ներին դատաստանատններումը դատը վարելու համար 600 ուրբու մնացեալը զանազան է Տիփիսի Առեւտրական դրամատանը ընթացիկ հաշով: Տիփիս Բայանդուրեանցը յիշեալ 4000 ուրբու օրիգացիաները ներկայացրել է 3600 ուրբու դիմաց և ստորագրութեամբ պարտաւորել է այդ օրիգացիաները հաշել իր կուրսով այն դէպքում, երբ պատերազմի պատճառով փակւած բորսան կը բացւի: Այդ օրիգացիաներից ստացւած է առկա 93 ուրբու գտնւում է ատեանում և կը յանձնուի հողաբարձութեանը: Այժմ որովհետեւ բորսան բացւած է, ուստի՝ կոնսիստորիայս ուղարկելով տիկին Բայանդուրեանի ստորագրութեան պատճէնը՝ պատւիրում է հողաբարձութեանը հաշել տիկինը հետ ներկայ կուրսով օրիգացիաները և ընդունելով 3600 ուրբու դիմաց, մնացածը ստանալ կամ կանխիկ դրամով և կամ մուրհակով ըստ հայեցողութեան հողաբարձութեանը: Կոնսիստորիայս ընդ սմին յարակցում է թէ՛ ատեանա թէ՛ և դիմաց տիկին Բայանդուրեանցին պատւիրելով ներկայանալ ատեան և հաշել կուրսով օրիգացիաները, բայց նա մինչև այժմ չէ ներկայացնել:

բ) Յիշեալ գումարներն ու արժէքաւոր թղթերը թէ ինչպէս յետ ստացման օրից Հողաբարձութեանս ձեռքը չանցան՝ պէտք է տեսլ, որ դրա պատճառն եղաւ յայտարարւած պատերազմի անց ու դարձը: Թէ այդ օրւան և թէ այնուհետեւ տեղի ունեցող այս ու այն կարծիքները ժամանակների նկատմամբ՝ առաջնորդարանում ս, առաջնորդի նախազանութեամբ եղած ժողովին Հողաբարձութեանս հասցրին այն եզրակացութեան, որ մինչև խաղաղութիւն մեր այդ եկեղեցապատկան դրամներն ու թղթերը պահեն ժամանակաւորապէս կոնսիստորիայի միջոցով, իբրեւ պաշտօնական ապահով տեղում:

Այնուհետեւ, մօտ մէկուկէս տարի անցնելուց յետոյ, երբ Կովկասի կեանքը բաւարարչափ խաղաղեց, հողաբարձութիւնս դիմեց հոգևոր իշխանութեանը, որ ծխական կանոնադրութեան և փոխարքայի ժամանակաւոր կանոնների համաձայն՝ եկեղեցիների անշարժ ու շարժական գոյքի տէրն ու տնօրէնը համալուծւում է ծխական հողաբարձութիւնը, — ուստի օրինական է համարւում, որ Բայանդուրեանի այրուց ստացւած գումարներն ու թղթերը կամ յանձնուի հողաբարձութեանս բանկ դնելու և կամ կոնսիստորիային ինքը բանկը դնի կաթողիկէ ս. Աստուածածին եկեղեցու անունով և ոչ կոնսիստորիայի գումարների հետ միատեղ, որպէս զի հնարաւոր լինի այդ գումարը մուծել մեր եկեղեցու մօտից մատենանում:

Հոգևոր իշխանութիւնը վերջիվերջոյ յարգեց հողաբարձութեանս այդ ուղղութեամբ արած մի քանի անգամայն դիմումներն ու այս տարի մեր եկեղեցու անունով գնեց Չինորական փոխառութեան $5\frac{1}{2}$ տոկոսանոց թղթեր՝ I ին սերիայից մէկ հատ՝ 50 ուրբ.— № 332242, վեց հատ՝ 100 ուրբ. №№ 389503, 389504, 389505, 389506, 389507, 389508 և II սերիայից երեք հատ՝ 1000 ուրբ. №№ 97354, 97355, 97356:

դ. — Բացի կոնսիստորիայի գիմումից, հոգաբարձութիւնն ևս առիթ է ունեցել թէ իր անդամ-երեցիօսն Պ. Աբուլեանի միջոցով և թէ պաշտօնական գրութեամբ դիմել տիկին Շուշանիկ Բայեանդուբեանին, որ ինքը 4000 ո. օբլիգացիաները ներկայացրել է 3600 ուրբուլ գիմաց և ստորագրութեամբ պարտաւորել է այդ օբլիգացիաները հաշւել իւր կուրսով այն դէպքում, երբ պատերազմի պատճառով փակւած բորսան կը բացւի: Յիշեցնելով այս ամենը յարգելի տիկինը, հոգաբարձութիւնն խնդրել է նրան թէ քանի որ այժմ բորսան բացւած է՝ բարեհաճի կատարել իր ստորագրութեամբ խոստացածը: Սակայն մինչև օրս դեռ չէ կատարել այդ խոստումը: Հոգաբարձութիւնն միանգամայն վստահ է, որ յարգելի տիկինը մօտ ապագայում կը կատարի իր տւած խօսքը:

5. — Գալով եկեղ. վերաշինութեան խնդրին, պէտք է ասել, որ թէև պատերազմի սկզբից օր-օրի վրայ կրկնապատկւել են շինարարական բոլոր նիւթերի արժէքը, բայց և այնպէս հոգաբարձութիւնն անհրաժեշտ է համարել վերաշինութեան խնդրով ևս զբաղւելու: Այդ առթիւ խորհրդակցելով մի քանի անգամ հոգևոր իշխանութեան հետ՝ վերջիվերջոյ դիմել է որոշ միջոցների. — հրաւիրելով եկեղեցու ծխական՝ նկարիչ պ. Գ. Բաշինջաղեանին ու ճարտարապետ պ. Տէր-Սարգսեանին՝ եկեղեցու միաբաններ Ս. ա. ք. Սամուէլեանի և Ա. ք. Թէմուրազեանի մասնակցութեամբ կազմել է խորհրդակցութիւններ և մտքերի երկար փոխանակութիւններից յետոյ՝ յանգել է այն եզրակացութեան, որ եկեղեցին թէ ներսից և թէ դրսից կարևոր է վերանորոգել: Արդէն սկսւած են նախագծի և նախաշաշւի աշխատանքները, որոնց մասին Հոգաբարձութիւնն կը տայ յարգելի ժողովիդ կարևոր մանրամասնութիւններ:

Հոգաբարձութիւն

ԴՊՐՈՑԸ 1915/1916 ՈՒՍ. Թ.

Երկու դպրոցների 1915/16 ուս. թւի վերաբերեալ աւագ-ուսուցչի ներկայացրած տարեկան զեկուցագրից Հոգաբարձութիւնն քաղւածօրէն առաջ է բերում այստեղ այն մասերը, որոնք վերաբերում են յատկապէս Կաթուղիկէ ս. Աստւածածնի եկ. ծխ. դպրոցի ուսման ու առաջադիմութեան գործին:

I Սկզբնաւորութիւնը

1915/1916 ուս. տարւայ դպրոցական գործի հիմքը դրւեց 1915 թւի մայիսի 23-ին կայացած երկու Հոգաբարձութիւնների միացեալ նիստին: Իւրաքանչիւր Հոգաբարձութիւն հիշուելով իր եկեղեցական-դպրոցական նիւթակ. միջոցների վրայ՝ յայտնեց իր ուշուժը: Այդ որոշումների ընդունելութիւնից յետոյ պարզեց, որ մեր Հոգաբարձութիւնը կարող է հոգալ երեք և կէս դասարանի ծախք, իսկ ս. Սարգսի Հոգաբարձութիւնը՝ երկուս ու կէս դասարանի ծախք: Երկուսը միասին կարող են հոգալ 6 դասարանի ծախք:

Այդ որոշման հիման վրայ՝ ի նկատի ունենալով երկու դպրոցների դասարանների յարմարութիւնները՝ մեր դպրոցում կը պահւեն I, II և IV բաժանմունքները, ս. Սարգսի դպրոցում՝ բացի I և II բաժանմունքից նաև III բաժանմունքը: Երրորդ բաժանմունքի ծախքի կէսը կը հոգայ մեր Հոգաբարձութիւնն առ այն, որ այդ բաժանմունքի աշակերտութեան մեծ մասը կազմում են մեր դպրոցի երկրորդից — երրորդ փոխադրւողները: Զորքորդ բաժանմունքը մեր դպրոցում պահւելու որոշումն եղաւ նախ՝ դասարանի յարմարութեան պատճառով, եկրորդ՝ որ չորրորդի աշակերտութիւնը մեր անցեալ տարւայ III-ից փոխադրւողներն են և երրորդ, որ չորրորդը լինելով մեր դպրոցում, իբրև աւելի կենտրոն տեղում, կը հաւաքւի թւով աւելի աշակերտութիւն:

Նոյն թւի յունիսի 1-ի հոգաբարձական միացեալ ժողովին՝ ընտելութեան առնելով մասնաժողովի ներկայցրած դասաբաշխումը՝ յարմար է համարւել յայտնելու ուսուցչիչ-ուսուցչուհիներին, որ 1915/16 ուս. տ. իւրաքանչիւր դասատու առ այժմ կունենայ իր ունեցած դասերի թւով դասեր: Օգոստոսի վերջերին, երբ Հոգաբարձութեանն համար կը պարզւի մեր դպրոցներից ինքնահամ պաշտօն թողնող դասատուների ազատ փնտցած դասերի քանակը, այդ դասերն ևս կը բաժանւեն մեր ուսուցչիչ-ուսուցչուհիների մէջ, որպէսզի նրանք թւով աւելի դասերով կապւած լինեն մեր երկու դպրոցների հետ: Հէնց այդպէս էլ, օգոստոսի 27-ին տեղի է ու-

նենում հոգաբարձութիւններէ առաջին նիստը, ուր բաժանուում է նաեւ ազատ մնացած դասերը մեր ուսուցչութեան վրայ, և մի-
այն երկու դպրոցներէ երգեցողութեան դասերի համար որոշուում է հրաւիրել մի մասնագէտ ուսուցիչ. յաջորդ նիստերից մէկում այդ պաշտօնի համար հրաւիրուում է պ. Դանիէլ Ղազարեանը:

II Դասարանների կազմը

Օգոստոսի 20-ից երկու դպրոցներում յայտարարուած էր նորեկների ընդունելութիւն, որ տեւեց մինչև սեպտեմբերի 4-ը: Սակայն այդ օրերին թեմական իշխանութիւնից ստացելով գրա-
ւոր շրջաբերական փախտակէան երեխաներին յատուկ զիջում-
ներով տեղ տալու համապատասխան դասարաններում, որոշեց
ընդունելութիւնը շարունակել մինչև սեպ. 8-ը, իսկ ուսումը սկսել
սեպ. 9-ից՝ նախապէս կատարելով դպրոցական մաղթանք:

Ընդունելութեան վերջը պարզեց, որ փոխադրող, վերա-
քնութիւն տող և նոր ընդունւողներից կազմւել է ամեն մի դա-
սարանում նորմայից բարձր աշակերտութեան քանակ: Օրինա՞ն.—
Դպրոցի I բաժ. տեղ են գտել 55 հ. $6\frac{1}{2}$ —9 տ., որից 15 աղջ. 40 տղ.

II » » » 54 » 9—11 » » 22 » 42 »

IV » » » 60 » $11\frac{1}{2}$ —13 » 10 » 50 »

Ընդամենը 169 հոգի, որից 47 աղջիկ, 122 տղայ. իսկ ս.
Սարգսի դպրոցում՝ 164 հոգի, որից 66 աղջիկ, 98 տղայ: Երկու
դպրոցներումս միասին 333 հոգի, որից 113 աղ. 220 տղ.:

Մանկավարժական խորհուրդը որոշուած այս տարւան աշա-
կերտութեան քանակով ամեն կերպ աշխատում էր դասարանա-
կան այդ աննօրմալ պայմաններում՝ պարապմունքները հնարա-
ւորութեան սահմաններում մօտեցնել իր կանոնաւոր ընթացքին,
իսկ Հոգաբարձութիւնը մտածում էր երկուստեք ոյժերի աշխա-
տակցութեամբ աշակերտութեան չքաւորներին ազատել ուսումնա-
վարձից և իրագործել իր անցեալ տարւան նախադիժը նախաձաշ
տալու վճարերմամբ:

Մտադրասիրական տեղեկութիւններից պարզուում է նախ
որ՝ մեր աշակերտութեան մեծ մասը՝ ապրում են Մէյդանի,
Հրեշտակապետաց և Բէդդեհեմի շրջակա քում. մի մասը Մողոնու,
Պետէի և Մետեխի թաղամասերում, մի մասն էլ՝ ս. Սարգսի՝
Հաւաքարի թաղերում, մօտ տասը հոգի էլ գալիս են Կուէիայից
և Դիգուրէ—Նախալովայից. երկրորդ, որ ընդունւած փախտա-
կան երեխաներից մեծ մասը պարսկաստանցի են, փոքր մասը՝
տաճկաստանցի, երրորդ, որ դպրոցներէս աշակերտութեան ծնող-

ներից խոշորագոյն մասը՝ բանւորներ, արհեստաւորներ և ծառ-
յողներ են և չորրորդ, որ այդ ծնողներից շատ-շատերը անպրագէտ
են ու անուս, որպիսի հանգամանք անպայման մեծ ազդեցութիւն
է ունենում աշակերտութեան յառաջադիմութեան վրայ:

III. Ուսման գործը

Ուսման գործը դասարանական կազմի աննախատ հանգա-
մանքների նկատմամբ թէև թւում էր թէ 15/16 ուս. թ. պէտք է
ունենայ անյաջող ընթացք, սակայն շնորհիւ մասնաւորապէս դա-
սատու ուսուցիչ-ուսուցչուհիների բարեխիղճ աշխատանքների և
ընդհանրապէս Մանկավարժ. խորհրդի 20 ժողովներում խորհած
և ձեռք առած միջոցների՝ ունեցաւ գոհացուցիչ արդիւնք: Յիշա-
տակինք այն փաստերը, որոնք ընդգծում են մեր աւանդները.—

ա.—Երկրորդ կիսամիակի սկզբներին թեմական տեսուչ պ.
Ս. Տէր-Աւետիքեանի չորս օրւայ կատարած այցելութիւններն
յանպահանջ աշխատակցութեան, որ «երկու դպրոցների ուսման
գործի ընդհանուր վիճակը գոհացուցիչ է և որ հոգաբարձութիւն-
ները, աւագ-ուսուցիչը և ուսուցչական կազմը կա՞մքնած են իրենց
կոչման բարձրութեան վրայ: Երկու դպրոցները լուս ապագայ
ունին, որը տարեցտարի պէտք է աւելի ու աւելի մօտեցնել
իրենց բուն նպատակին. այդ լուս ապագան միացեալ դպրոցի
վեցամեայ դարձնելն է և Թիֆլիսի այս թաղամասերում այդ
դպրոցը պէտք է վաղ-ուշ դառնայ վեցամեայ:

բ.—Հոգաբարձութեան ընդհանուր վերահսկողութիւնը
մի կողմից, մեր դպրոցում՝ երեցփոխ պ. Ա. Արուիհանի յա-
ճախակի դասերին ներկայ լինելը միւս կողմից՝ առիթ են տւել
Հոգաբարձական ժողովներում առաւել կամ նւազ չափով արտա-
յայտելու, որ մեր դպրոցների ուսման գործը իր պայմանների
նկատմամբ՝ դարձեալ ընթանում է բւարար և որ աշակերտու-
թեան մէջ նկատուում է գոհացուցիչ առաջադիմութիւն:

գ.—Աւագ-ուսուցչի, իբրև անմեջական վերահսկողի, տւած
գեկուցումները՝ լսած դասերի, ուսուցչութեան աւանդած առար-
կաների, աշակերտութեան գրաւոր ու բանաւոր աշխատանքների
վերաբերմամբ, յաճախ փաստացի աւեաներով եղել են այն
խնդրի շուրջը, որ դպրոցներէս ուսման գործը ընթանում է ըստ
ծրագրի, և դպրոցական կարգ ու կանոնի սահմաններում: Եւ
վերջապէս.—

Ե.—Ուսման գործի մէջ աշակերտութեան ցոյց տւած առաջադիմութիւնը, Մանկավարժական խորհրդի որոշմամբ հետեւեալ պատկերն է ներկայացնում.—

I Բ.	եղած 49	հոգուց փոխադրւել են 33	հոգի, մնացել 16	հոգոր
II Բ.	» 49	» » 32	» մնաց 8	հ. վերջը 9 հ.
IV Բ.	» 58	» » 38	» 10	» 5

Այս թւերը, ի նկատի առած դասարանական կազմերի աննպաստ հանգամանքները, ուսման գործի նկատմամբ գոհացուցիչ են

IV. Նախաճառ

Այս տարի դպրոցներէս վարչութիւնը հնարաւորութիւն ունեցաւ իրագործելու իր մտադրութիւնը՝ աշակերտներից չքաւորներին ձրի նախաճառ տալու վերաբ. և 1915 թւի յունվարից մինչև մայիսի 15-ը, երկու դպրոցներում ձրի նախաճառ ստացան օրական 82—88 հոգի. ամսն մի դպրոցում 40—44 հոգի:

Հոգաբարձութիւնը և Ուսուցչական խումբը՝ այդ նպատակով դեկտեմբերի 23-ին կազմակերպելով մի ներկայացում, օգտուեց 350 լուրջի, որով և հիմք դրւեց նախաճառին: Ձեռք բերւեցին անհրաժեշտ պարագաներ և յունւարեան արձակուրդներէց յետոյ աշակերտութեանը տրւեց նախաճառ:

Նախաճառի համար գործադրող գումարները՝ թէ հսգաբարձական, թէ ուսուցչական խմբի և թէ նախաճառի համար հրաւիրւած տիկնանց ու օրիորդների ջանքերով հայթայթւեցին բարեգործ անձանց կողմից նւէրներով և ամսավճարներով: Այսօրինակ նւէրների մէջ յատուկ շնորհակալութեամբ յիշատակելի է «Հորիզոն» թերթի մեծարգոյ խմբագրութիւնից ստացւած ապրիլ և մայիս ամիսների 58 ական ըուրլի ամսական նւէրը:

Նախաճառ տրւում է առայժմ ամեն մէկին՝ մի բաժակ գցովի թէյ, հաց և երբեմն էլ պանիր: Ամեն մէկի նախաճառը նստում 5 կոպէկ: 84 հոգուն օրական 4 ռ. 30 կ. ամսական, 24 օր հաշւած, 100 ռ. 80 կոպէկ: Մի գումար որ 4 ամիս շարունակ գանձւել է առանց ծանրանալու եկեղեցիների տւած դպրոցական շրջանների վրայ:

V. Միացման հետեւանք:

Կաթուղիէ ս. Աստուածածին եկ. ծխական դպրոցների մէջ ծրագրային ներքին կապ սահմանւելու օրից սկսած՝ մինչև այսօր անցել է ուսումնական երեք տարեշրջան: Այդ ժամանակամիջոցում թէ ինչ հեռեւեմի է հասել միացման ներքին նպատակը և

ինչ արդիւնք է ունեցել դպրոցական ընդհանուր գործը,—աւելորդ չեմ համարում, ներկայ երրորդ տարեշրջանի վերջը այս զեկուցման մէջ յիշատակել հետեւեալը:

ա.—Մեր երկու դպրոցները հետզհետէ ունենալով կայուն դասարաններ, տարէց-տարի նւաճել են թւով աւելի աշակերտութիւն:

բ.—Դասարանների յաջորդական բարձրացումը ընդգրկել է ուսումնական գործի նորմալ և ծրագրային կանոնաւոր ընթացք:

գ.—Դասատու ուսուցիչ-ուսուցչուհին իր աւանդած առարկայի շարունակութիւնը հնարաւորութիւն է ունեցել անցնելու յաջորդ դասարաններում և ամբողջացրել է ծրագրի դասընթացը:

դ.—Մեր դպրոցները տարէց-տարի թւով աւելի աշակերտաշակերտութիւններ են տւել Ներսիսեան, Յովնանեան և Կարուձեկ դպրոցներին:

ե.—Ամեն անգամ մեր դպրոցներն այցելող պաշտօնական անձինք՝ ծանօթանալով մեր միութեան նպատակի հետ, խրախուսել են դպրոցները հասցնելու վեցամեայ տիպի դպրոցների:

զ.—Հոգաբարձութիւնների և ուսուցչական խմբի միացեալ աշխատանքները ստեղծել են միջոցներ՝ աշակերտութեանը հագուստներ տալու, նախաճառ հիմնելու և այլ շահաւէտ անհրաժեշտ կարիքները հոգալու:

Ուսման գործին վերաբերող այսօրինակ շահաւէտ հետեւանքների նկատմամբ է, որ ես դառնալով մեծարգոյ Հոգաբարձութեանդ առաջարկում եմ միացեալ ոյժերով հիմք դնել վեց ամեայ դպրոցի, բանալով այս 1916/17 ուս. թւին երկու I Բ. երկու II Բ., մէկ III Բ., մէկ IV Բ. և մէկ V բաժ.:

Հոգաբարձական խորհուրդը մայիսի 23-ին իր միացեալ նիստում լսելով աւագ-ուսուցչի այս առաջարկը և քննութեան առնելով իր նիւթական միջոցները որոշեց՝ 1916/1917 ուսմ. թ. Կաթուղիէ ս. Աստուածածնի դպրոցում բանալ 4 բաժ. ս. Սարգսի դպրոցում՝ 3 բաժանմունք:

Հերթ-նախ. Ա. Արուսեան

Աւագ-Ուսուցիչ՝ Յ. Աղաբաբ

ՀԱՇԻՒՆԵՐԻ ԱՆՈՒՆՆԵՐ	Բուք.	Կող.
Մնացորդ առ 1-ն յունւարի 1914 թ.	265	10
Մոմի վաճառք	4174	96
Մոմ կիսայրեալ	586	26
Բնակարանների վարձ	1831	65
1913 թ. ապառիկ բնակարանավարձ	128	20
Ուխտաւորների բնակար. վարձ (տարւա)	265	—
Լուսագին, թագ, ջահ.	365	65
Մատաղի մորթիք	90	95
Եկեղեցակ. տուփ, գանձանակ	44	64
Թիֆլիսի II Փոխադ. Վարկի ընկ. ընթացիկ հաշիւ	300	—
Տոկոսներ	36	38
Զուր	24	—
Նւէքներ	130	—
Անակնկալ	1	—
Դպրոց. —		
Թոշակ աշակերտների 19 ¹³ / ₁₄ թ. ուս. տ.	245	70
» » 19 ¹⁴ / ₁₅ ուս. տ.	235	—
Դասագրքեր և ուսումն. պիտոյքներ	273	—
Երեկոյթ և ներկայացում	182	20
Գումար	9222	19

ՀԱՇԻՒՆԵՐԻ ԱՆՈՒՆՆԵՐ	Բուք.	Կող.
Մոմ	2061	26
Ընթաց. հաշ. Թիֆլ. II Փոխ. Վ. ընկ.	100	—
Գնահատական տուրք	106	56
Զեմստային հարկ	22	—
Պետական հարկ	57	96
Ապահովագր. կրակից	27	07
Ապահովագր. խաղ. տոմսի	37	15
Լուսաւորութիւն և վառելիք	96	13
Նորոգութիւն շէնքերի և շաւ. գոյքի	1059	44
Շարժական գոյք	19	12
Զուր	89	31
Մանր ծախք	180	71
Անակնկալ	42	39
Խմբապետին	60	—
Գործակալին	40	—
Ռոճիկ եկեղ. սպասաւորներին	977	05
Դպրոց. —		
Ռոճիկ ուսուցիչներին 19 ¹³ / ₁₄ ուս. տ.	1962	50
» » 19 ¹⁴ / ₁₅ » »	1256	60
» բժշկուհուն 19 ¹³ / ₁₄ » »	75	—
Դասագրքեր և ուսումն. պիտ.	366	39
Մանր ծախք դպրոցի	135	50
Մնացորդ առ 1-ն յունւարի 1915 թ.		
Մոմ	129	80 Կ.
Կանխիկ	450	70 Կ. 25 Կ.
	9222	19

Եկեղեցական գումարներից	2382	94
Թոշակառուներից	551	20
Երեկոյթ, ներկայացում	182	20
Նւէրներ	130	—
	3264	34

Ռոճիկ ուսուցիչներին	2562	50
» աւ. ուսուցչութեան	210	—
Ռոճիկ վերակացուն	120	—
» բժշկին	100	—
» ծառային	90	84
Վառելիք	25	—
Դիւանական և այլ մանր ծախք	168	—
	3246	34

1914—15

ՈԼԱ. Մ.

Եկեղեցական գումարներից	3975	61
Թոշակ առակերտներից	—	—
Երեկոյթ-ներկայացում	350	—
Նւէրներ	—	—
	4791	11

Ռոճիկ ուսուցիչներին	2939	08
» աւ. ուսուցչութեան	250	—
» վերակացուն	220	—
» ծառային	108	—
Ս. Սարգսի եկ. դպր. Գ. պատր. պահպանութեան ծախքի կէսը	525	—
Եւ նոցա հասանելիքը ներկայացման արդիւնքից	175	—
Աշակերտական նախաճաշիկին	175	—
Դիւանական և այլ մանր ծախք	60	95
Անակնկալ (ուսուցիչներին 1 ամսեայ նպաստ պատեր. և թանկ.	289	08
Վառելիք	49	—
	4791	11

1915—16

ՈԼԱ. Մ.

Եկեղեցական գումարներից	3454	33
Թոշակ. առակերտներից	461	50
Երեկոյթ, ներկայացում,	361	90
Նւէրներ	100	—
	4377	73

Ռոճիկ ուսուցիչներին	3019	80
» աւ. ուսուցչին	210	—
» վերակացուն	120	—
» ծառային	108	—
Վառելիք	28	—
Դիւանական և այլ մանր ծախք	81	93
Ս. Սարգսի եկ. դպրոցում Դ. բաժ. պահպանութեան ծախքի կէսը	450	—
	4377	73

Մնացորդ առ 1-ն յունւարի 1915 թ. կանխիկ դրամով	320	25
» » » » մոմ	120	80
Ընթացիկ հաշիւ Թիֆլ. II փոխ. վ. ընկ.	—	09
Պահատադրամ (вкладъ) » » №	2000	63
Մոմ վաճառած	5518	80
» կիսայրեալ	720	60
Տարւա (ուխտաւորներեց բնակար. վարձ)	343	70
Լուսագին, թագ, ջահ և այլն	474	32
Մատաղի մորթիք	124	87
Գանձանակ	92	93
Անակնկալ	76	—
Բնակարանի վարձ 1915 թ.	1820	—
» » 1914 թ. ապառիկ	21	—
Յ. Առիւծեանից ապառիկ մնացած (նախկին երեցփոխ)	300	—
Ջուր—վաճառած	24	—
Տոկոսներ ընթացիկ հաշւով, պահստադրամ և այլն	387	06
Դպրոց.—		
Թոշակ. աշակերտ. 1914/15 ուս. ա.	226	50
» » 1915/16 »	465	50
Երեկոյթ—ներկայացումներէց աշակ. նախաճաշի համար	711	90
Նւէրներ	100	—
Գումար	13858	55

Ընթաց, հաշ. Թիֆլ. II Փոխ. Վ. ընկ. մուծւած է . . .	200	—
Պահեւտադրամ (вкладъ) » » » . . .	2500	—
» » » » » . . .	300	—
Մոմ գնած . . .	2720	63
Գնահատակ. տուրք (оцѣноч. сборъ) . . .	115	53
Պետական հարկ (госуд. налогъ) . . .	61	28
» » » հին ապանիկ . . .	60	—
Զեմատային հարկ . . .	30	64
Աստիճովագր. շէնքերի . . .	38	04
» I խաղարկ. մէկ տոմսի . . .	46	75
Լուսաւորութիւն և վառելիք . . .	128	65
Խմբապետին եկեղ. երգեց. խմբի . . .	60	—
Գործակալին . . .	40	—
Մանրծախք . . .	321	59
Անակնկալ . . .	60	—
Նորոգութիւն շէնքերի . . .	993	80
Զուր . . .	102	44
Ռոճիկ սպասաւորներին . . .	1028	33
Դպրոց.—		
Ռոճիկ ուսուցիչներին 1914/15 ուս. տ.	2213	20
» » 1915/16 ուս. տ.	1156	44
» թեմական տեսչին	60	—
Յաւելիալ ոռճ. ուսուց. պատեր. և թանկութեան պատճառով	289	08
Աշակ. նախաճաշ	175	—
Գ. բաժ. պահպանութեան ծախքի կէսը Ս. Սարգսի եկ. դպրոցին	458	33
Մանր և դիւանակ. ծախք.	44	—
Ներկայացումից ստացւած արդիւնքի կէսը Ս. Սարգսի եկ. դպրոցին	175	—
Մնացորդ առ 1-ն յունւ. 1915 կանխիկ դրամով , . . .	243	13
» » » » մոմով	174	89
Գումար	13858	55

ԶԵԿՈՒՑՈՒՄ

Կաթողիկէ ս. Աստուածածին եկեղեցու Վերաստուգիչ

Յանձնաժողովի

Դրւած է 1915 թւի սեպտեմբերի 30-ին (ստացւած հոկտ. 1-ին*)

Վերաստուգիչ յանձնաժողովը Կաթողիկէ ս. Աստուածածին եկեղեցոյ, որ բաղկացած է հետեւեալ անձերից պ. պ. Բարսեղ Բազաշեանից, Ռուբէն Թէմուրազեանից և արժ. Յովհաննէս քհն. Ամիրխանեանից, ընկերով 1914 թւի ելումտից մատենար գտաւ, որ այդ թւի փառաթղթերը համապատասխանում են մատենին: Բացի մի քանի փաստաթղթերից, որոնք կազմւած էին անկանոն, օրինակ.—

1.— Կային փաստաթղթեր, որոնք չէին ստորագրւած փող ստացողից, օրինակ գրած էր այսպէս. վասն անդրադիտութեան ստորագրեցի: Բայց թէ ով է այդ անդրադէտը և ով պէտք է ստանայ փողը յայտնի չէ:

2.— Կար փաստաթուղթ, որի տարեթիւը և ամսաթիւը անյայտ էր:

3.— Նմանապէս զբօսանքից և ներկայացումից՝ ելք ու մուտքի վերաբերմամբ՝ ոչ մի փաստաթուղթ չը կայ:

4.— Հաշւետւութիւնը հաշւապահական ձևով չի լինում: Յանկալի է, որ հաշւետւութիւնը լինէր օրգերային սխառէմով:

5.— Եկեղեցւոյ տները համեմատաբար բերում են շատ քիչ եկամուտ, որ կարելի է աւելացնել. բայց ցանկալի է տալ կապալով, մշակած յայտնի պայմաններով:

Անդամք Վերաստուգիչ Յանձնաժողովի՝

Բ. Իւզրաշեան

Ռ. Թէմուրազեան

Յով. քհն. Ամիրխանեան

Ծանօթ.— 1915 թւի յունիսին Հոգաբարձութիւնս յանձնել է 1914 թւի հաշիւները վերաստուգելու, Սեպտեմբերի 19-ին գրաւոր յիշեցրել է վերաստուգիչ յանձնաժողովին, որ հաշիւները վերադարձնեն. յիշեցրել է նոյնպէս սեպ. 22-ին. ի վերջոյ հոկտեմբերի 1-ին ստացւել են հաշիւները և սոյն զեկուցումը:

1915 թւի հաշիւները վերաստուգելու համար՝ Հոգաբարձութիւնս յանձնաժողովին հրաւիրել է փետրւարին, մարտին յանձնաժողովն եկել, մի երեկոյ զբաղւել է յուն. և փետր. ամ. հաշ. վերաստուգութեամբ: Այնուհետեւ, ապրիլին նորից յիշեցրել ենք, որ զան վերջացնեն, բայց մինչև օրս չեն եկել:

Կաթողիկէ ս. Աստուածածին ծխական եկեղեցու

Հոգաբարձութեան

Կարդացւած է 1915 թւի հոկտեմբերի 13-ի № 5 նիստին

Հոգաբարձութիւնս 1915 թւի յունիսին յանձնելով վերաստուգիչ յանձնաժողովին 1914 թւի մտից և ելից հաշիւներն իրենց փաստաթղթերով վերաստուգելու համար, երկար սպասումներից և մի քանի անգամ բանաւոր ու գրաւոր դիմումներից յետոյ՝ հազիւ հոկտեմբերի 1-ին ստացաւ սոյն զեկուցումը, որ և իր հերթական նիստին քննութեան առնելով՝ հարկ համարեց հետեւեալ բացատրութիւնը տալ՝ այդ զեկուցման մէջ յանձնաժողովի արած դիտողութիւններին.—

1.— Այդ փաստաթղթերը վերաբերում են մասն ծախսերին որոնք կատարւում են ծառաների միջոցով. վերջիններս իբրեւ անդրադէտ, պատահական զբաղէտի ստորագրել են տալիս, այն էլ շատ անգամ՝ ոչ ընդունւած ձևով:

2.— Տարեթիւն ու ամսաթիւը անյայտ այդ մի փաստաթուղթը՝ վերաբերում է գնւած նաւթին, որ մաս-մաս բերելով խանութպանից՝ ստացական է ստացւել խանութպանից մի ամբողջ ամսւայ համար:

3.— Զբօսանքի և ներկայացման ելումտից փաստաթղթերը՝ յատուկ հաշւետւութեամբ, ըստ օրէնքի, ներկայացւում են նահանգապետին և հոգաբարձութեան մօտ ոչ մի փաստաթուղթ մնալ չի կարող:

4.— Հաշւետւութիւնները պահւում են Սինօդից ստացւած յատուկ մատեաններով և սահմանւած սխառէմով: Սրանից դուրս այլ հաշւապահական ձևով մատեաններ պահելը՝ կապւած է որոշ ծախքերի հետ (հաշւապահի, դիւանական ծախքերի կայն):

5.— Բնակարանների վարձագները՝ Հոգաբարձութիւնս հնարաւորութեան չափով աշխատել է աւելացնել, օրինակ՝ 1913 թւին ստացւել է բնակարանի վարձ՝ 1734 բ., իսկ 1914 թւին՝ 1852 բ.: Աւելի բարձր վարձագները կապւած են խոշոր նորոգութիւնների հետ, որ այժմ անժամանակ է: Ինչ վերաբերում է կապալին՝ Հոգաբարձութիւնս զրա վերաբերմամբ հետեւել է ծխական ժողովի որոշմանը՝ տնտեսական ձևով կառավարելու տնտեսութեան նկատմամբ:

Անդամք Հոգաբարձութեան՝

Իշխան Մ. Թումանեան

Մ. Կամսարական

Ղ. Աբովեան

Ա. Յովհաննիսեան

Գործավար աւագ-ուսուցիչ՝ Յ. Աղաբաբ

ՄՀ Հայագիտական գրադարան



MAL014738

Համեմատական հաշիւ Կաթուղիկէ և Աստ. (ս. Գեորգ) եկ. 1913—1915 թ.
ՄՈՒՏԲ

ԵԼԲ

	1913	թ.	1914	թ.	1915	թ.
Մոմ վաճառած	3988	87	4174	96	5518	09
» կիսայրիակ	551	59	586	26	720	63
Տարած (ուխտ, բնակ, վարձ)	240	80	265	20	343	80
Լուսավիճ, բազ, ջուր	474	55	365	65	474	60
Մատակ մորթիք	116	20	90	95	124	70
Փանձանակ	23	86	44	64	92	32
Բնակարանի վարձ	1734	93	1959	65	1841	93
Ջուր	20	—	24	—	24	—
Տնտեսիք ընթաց. հաշ.	76	47	36	38	387	06
» պահուստայրում և այլն	120	—	1	—	—	—
Անակիակ	—	—	—	—	76	87
Պարոյ	—	—	—	—	—	—
Ուս. վարձ աշակերտներից	505	50	480	70	692	—
Իրեկոյթ-անրկայացում	—	—	182	20	711	90
Նեխներ	—	—	130	—	100	—
Ուսումն. պիտույքներ և դա- ղըքեր	—	—	273	—	—	—
Մոմ գնած	1964	69	2061	26	2720	63
Գնաձեռ. տուրք (ովն. ռճ.)	96	12	106	56	115	53
Պնտական հարկ	45	17	57	36	61	28
Ջնմատուցի հարկ	25	17	22	—	30	64
Ապանուկայր. շինքերի	27	37	27	07	38	04
» 1 խաղարկ. մէկ տոմսի	27	35	37	15	46	75
Լուսավարութիւն և վարակիք	67	99	96	13	128	65
Ռոճիկ գործակալին	40	—	40	—	40	—
» եկ. երգ. խմբի խմբայր.	60	—	60	—	60	—
Ռոճիկ սպասարարների	1029	50	977	05	1028	33
Մանր ծախք	148	54	180	71	321	59
Անակիակ ծախք	150	—	42	29	60	—
Ջուր	77	32	89	31	102	44
Նորոգութիւն շինքերի	681	95	1059	44	993	80
Շարժական գ. լք.	9	96	19	12	—	—
Պարոյ	—	—	—	—	—	—
Ռոճիկ ուսուցիչների	2520	—	3219	10	3369	64
» բժշկին	25	—	75	—	60	—
» թիմակ. տեսչին	—	—	—	—	—	—
Մանր ծախք	116	79	135	50	44	8
Անակիակ ծախք	—	—	—	—	289	—
Աշակ. նախաճաշ.	—	—	—	—	175	—
Ս. Սարգսի դպ. և ին. սլառ.	—	—	—	—	458	33
դասարանի ծախքի կէտր.	—	—	—	—	175	—
Այլ ծախքեր	—	—	366	39	—	—
Ուս. պիտույք. և դասարար.	—	—	—	—	—	—
Փումար	7882	77	8614	59	11107	90
Փումար	7112	32	8672	14	10318	73

